

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Siunnersuut aningaasarsianit akileraarutit pillugit Inatsisartut inatsisaannut allannguutissanik assigiinngitsunik imaqarpoq.

Ingerlatseqatigiiffiit akileraarutaannut annertussusiliussap 30 procentimit 25 procentimut, 5 procent pointinik appartinneqarnissaa pillugu 2020-mut Aningaasanut inatsimmut isumaqatigiissummi isumaqatigiisutigineqarpoq. Taamatut allangortitsineq, 2020-mut aningaasanut inatsimmut oqaasertaliussamik ilanngussinikkut, 2020-mut ukiumut isertitaqarfiusumut atuutsinneqalerpoq. Appartitsinerup aningaasarsianit akileraarutit pillugit Inatsisartut inatsisaanni atuutsinneqalernissaa, siunnersuummi siunertaavoq.

Tamatuma saniatigut siunnersuut soraarnerussutisianik akileraarusiisarnermut maleruagassanut iluarsiinernik erseqqissaanernillu arlalinnik imaqarpoq. Soraarnerussutisiat pillugit maleruagassat inatsimmi kapitali 4-mi aamma 4 a-mi ilaatinneqarput. Maleruagassat 2016-imi upernaakkut inatsisip allangortinneqarnerani annertuumik allangortinneqarput, tassani nunani allani soraarnerussutisianut aqqissuussinernut akiliutinik ilanngaatiginnissinnaatitaaneq atorunnaarsinneqarluni, aammalu 2016-imi ukiaanerani soraarnerussutisiaqalernissamut ileqqaarnerit atuutsinneqalerlutik. Maleruagassat ukiuni marluunni kingullerni misilittagaqarfigneqalernerisa kingunerisaanik, suliassaqarfiit erseqqissaavigineqarnissaat aammalu maleruagassat sukumiinerunissaat naapertuussinnaasut, nassaarineqarput. Ilaatigut § 39 d nutaaq atuutsinneqalissasoq siunnersuutigineqarpoq, taanna eqikkaanernut aalajangersakkatut iluseqarpoq, aammalu ilaatigut § 39 a-mi aamma 39 c-mi aalajangersakkani atuuttuni ilaatinneqartunit allaanerusut, nunani allani soraarnerussutisianut aqqissuussinerit aalajangersimasut ilaatinneqarlutik.

### **2. Siunnersuummi immikkoortut pingaarnertit**

#### ***2.1. Ingerlatseqatigiiffiit akileraarutaata appartinneqarnera***

Siunnersuummi ingerlatseqatigiiffiit akileraarutaannik appartitsinerup atuutsinneqalernissaa siunertaavoq. Ingerlatseqatigiiffiit nioqutissiuutsinik ungasissumut pingaarnersiuinissamut aningaasaliinissamullu aammalu sulisussarsiortarnerminni aamma sulisuminnik ilinniartitseqqittarnernik soqutigisaannut periarfissaannullu, atugassarititaasunut killissaliussat pitsaasuunissaat patajaatsuunissaallu pingaaruteqarpoq.

Ingerlatseqatigiiffiit akileraarutaat inatsimmi § 60, imm. 1-2-mi 30 procentimut aalajangersarneqarpoq. 2020-mi ukiumi isertitaqarfiusumi atuutilersumik ingerlatseqatigiiffiit akileraarutaat, kontumut pingaarnermut 24.10.10 Nuna tamakkerlugu akileraarut, 2020-mut Aningaasanut inatsimmi oqaasertaliussamik ilanngussinikkut, 25 procentimut annikillisinneqarpoq.

Aningaasanut inatsisit ukiumut ataatsimut tunngassuteqartarput aammalu ukiup aningaasaliiffiusup naanerani atorunnaartarlutik. Taamaattumik appartitsineq ukiup nikinnerani atorunnaassanngippat, aningaasanut inatsimmi aalajangersaaqinnissaq imaluunniit aningaasarsianit akileraarutit pillugit Inatsisartut inatsisaanni allannguummik ilanngussinissaq, pisariaqartussaavoq. Ingerlatseqatigiiffiit akileraarutaannut annertussusiliussa qummoortumik aningaasanut inatsisini aalajangersarneqartassappat, inuussutissarsiortunut atugassarititaasunut killissaliussat qitiusut taakkua nalornineqalersinnaapput, taamaalillunilu inuussutissarsiorterup ineriartortinnissaanut kissaatigineqartumut kinguneqarsinnaalluni. Tamatuma saniatigut tamanna allaffissornerulersitsisussaavoq.

Ingerlatseqatigiiffiit akileraarutaata appartinneqaraluartoq, Kalaallit Nunaanni ingerlatseqatigiiffiit akileraarutaannut annertussusiliussa nalinginnaasoq suli nunani allarpassuarni annertussusiliussamit annertuneruvoq. Ingerlatseqatigiiffiit akileraarutaannut annertussusiliussap annikillisinneqartarnera, nunani tamalaani ukiuni arlalinni ersikkiartorpoq. Assersuutigalugu ingerlatseqatigiiffiit akileraarutaannut annertussusiliussat nalinginnaasut ullumikkut Danmarkimi 22 procentiuvoq, Savalimmiuni 18 procentiuvoq aammalu USA-mi 21 procentiulluni.

**2.2. Soraarnerussutisianik akileraarusiisarnermut maleruagassanik allanngortitsineq**  
Siunnersuut soraarnerussutisianik akileraarusiisarnermut maleruagassanik erseqqissaarnernik arlalinnik imaqarpoq. Allannguutit ilai erseqqissaanerupput imaluunniit nassuiaanerusetut iluseqarlutik.

Matuma kingornani allannguutit pingaarnert sammeneqarput.

*§ 39 a-p atuuffissaannik killissaliineq*

Inatsimmi § 39 a-mi nunani allani aalajangersimasuni soraarnerussutisianut aaqqissuussinernit soraarnerussutisianut tunniunneqartunut maleruagassiisoqarpoq. Aalajangersagaq malillugu, soraarnerussutisianut aaqqissuussinermut akiliutit taamanikkut Danmarkimi, Savalimmiuni imaluunniit Kalaallit Nunaanni akileraarutini ilanngaatigineqarsinnaaneri imaluunniit ilanngaasiisoqarsinnaatitaanerat uppersarneqarpat, soraarnerussutisianik tunniussinerit akileraaruserneqartussaangillat.

Nunani allani soraarnerussutisianut aaqqissuussinerit § 39 a-mi pineqartunut ilaatinneqassagunik, soraarnerussutisianut aningaasaateqarfimmi sillimmasiisarneq pillugu inatsimmi imaluunniit inuunermut soraarnerussutisiaqalernissamullu sillimmasiisarfimmi, sillimmasiinerimik suliaqarnermik ingerlatsinissamut Finanstilsynimit akuerisaasumi, pineqartunut ilaasumi pilersinneqarsimassaaq, takuuk § 39 a, imm. 2, nr. 1.

Taamaalilluni aamma soraarnerussutisiassanut aningaasaateqarfiit Danmarkip aamma Kalaallit Nunaata avataani pilersinneqartut, sillimmasiinerimik suliaqarnermik

ingerlatsinissamut Finanstilsynimit akuersissummik peqarnerminni, aamma aalajangersakkami pineqartunut ilaatinneqarput.

Tamanna naleqqutinngitsuusinnaavoq. Soraarnerussutisiassanut aamma soraarnerussutisiassanik aaqqissuussinerni, inuit Kalaallit Nunaannut tamakkiisumik akileraartussaataitaasut Danmarkip aamma Kalaallit Nunaata avataani pisassarisaannit tunniussinerit imaluunniit ileqqaarnerit pissarsiallu, pillugit paasissutissanik Kalaallit Nunaat tigusaqanngissinnaavoq.

Tamatuma saniatigut soraarnerussutisiassat aamma matussusiinerit suut soraarnerussutisianut aaqqissuussinermi ilanngutsinneqarsinnaanerannut aammalu kia iluaquserneqartussatut allassimasinnaaneranut maleruagassanik sukumiisunik § 39 a, imm. 1-2, kiisalu § 40 a imaqarput. Nunani allani soraarnerussutisianut aningaasaateqarfinni soraarnerussutisianut aaqqissuussinernit pineqartillugit, piumasaqaatit taakkua naammassineqarsimanersut, akileraartarnermut ingerlatsiviup nalileruminaatsissinnaavaa. Sillimmasiissutip allagartai tuluttuujunatik, qallunaatuujunatik imaluunniit kalaallisuujuunatik oqaatsit allat atorlugit allassimappata, aammalu soraarnerussuteqariaatsit aamma maleruagassat Kalaallit Nunaanni atuuttunit tunngaviusumik allaanerusinnaammata, tamanna pingaartumik unammilligassartaqarpoq.

Soraarnerussutisianut aaqqissuussinernup § 39 a, imm. 1-2-mi atugassarititaasut naammassisimannikkai akileraartarnermut ingerlatsiviup paasippagu, aaqqissuussineq akileraarutitigut aalajangersagaq malillugu suliarineqarsinnaassanngilaq.

Tamatuma malitsigisaanik aaqqissuussinermi tunniussinerit aallaaviatigut akileraaruteqassapput, takuuk inatsimmi § 13. Taamanikkut aaqqissuussinermut akiliutit aningaasanit akileraaruserneqartunit pisimappat, tamanna marloqiusamik akileraarusiinermik malitseqarsinnaavoq, tassami § 13 naapertorlugu aaqqissuussinermut akiliuteqarnerit taamanikkut aningaasanik akileraaruserneqartunik pisut, mianerineqarsinnaanngimmata.

Soraarnerussutisianut aaqqissuussineq § 39 a-mi pineqartunut ilaatinneqarnerisq imaluunniit ilaatinneqannginnerisq, soraarnerussutisianut aaqqissuussinermi, pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu pissarsianik annikinnerusumik akileraarusiisoqarsinnaanersq, imaluunniit pissarsiat aningaasarsianit akileraarutit pillugit Inatsisartut inatsisaanni maleruagassat malillugit akileraarusiisoqassanersq, takuuk § 44, imm. 1, takuuk § 44, imm. 3-6, tamatuma saniatigut pingaaruteqarpoq. Nunani allani soraarnerussutisianut aaqqissuussineq, § 39 a-mi imaluunniit § 39 c-mi imaluunniit danskit soraarnerussutisianik akileraarusiisarnermut inatsisaanni kapitali 1-imi imaluunniit § 53 A-mi pineqartunut ilaatinneqanngitsq, aallaaviatigut aningaasarsianit akileraarutit pillugit Inatsisartut inatsisaanni maleruagassat, takuuk § 44, imm. 1, takuuk imm. 2, malillugit paarlattuanik pissarsiat akileraaruserneqartussaassapput.

Taamaattumik maannakkut maleruagassat atuuttut malitsigisaannik, soraarnerussutisianit tunniussinerit aammalu pissarsiat soraarnerussutisianik ileqqaartumut qanoq akileraarutitigut suliarineqassanersoq, nalornilersitsisinnaapput.

Taamaattumik siunnersuutaavoq 39 a-mi piumasagaatinik annertunerusunik aalajangersaasoqassasoq, soraarnerussutisianut aningaasaateqarfik imaluunniit inuunermut ajutoornernullu sillimmasiisarfik Danmarkimi angerlarsimaffeqartuussasoq.

tassani pingaartinneqarpoq Danmarki Kalaallit Nunaat sinnerlugu inunnut Kalaallit Nunaanni tamakkiisumik akileraartussaataitaasunut Danmarkimi akileraarutinit isertitanit A-nit akileraarutissaannik unerartitsisarnissaa, matumani pingaartinneqarpoq.

Matuma allanneqarnerani Kalaallit Nunaat illuatungeriit unerartitsinissaq pillugu Danmarkimut taamaallaat isumaqateqarpoq, taanna malillugu § 39 a-mi aaqqissuussinerit, siunissami taamaallaat soraarnerussutisianut aningaasaateqarfimmi imaluunniit inuunermut soraarnerussutisianullu sillimmasiisarfimmi Danmarkimi pilerfeqartumi pilersinneqarsimasuusinnaallutik.

*Nunani allani soraarnerussutisianut aaqqissuussinerit aalajangersimasut, § 39 a-mut aamma § 39 c-mut tunngatinneqarsinnaanngitsut*

Inuit Kalaallit Nunaannut tamakkiisumik akileraartussaataitaasut, nunani allani soraarnerussutisianut aaqqissuussisimasinnaapput. Tamanna assersuutigalugu pineqartup nunani allani piffissami aalajangersimasumi najugaqarsimanagera sulisimaneralu pissutigalugit pisinnaavoq.

Akiliinerit soraarnerussutisianik ileqqaartup nunani allani najugaqarnerani pisut, nunami pineqartumi akileraarnermut maleruagassat aamma soraarnerussutisianut periaaseq apeqqaalluni, akileraarutini ilanngaatigineqarsinnaanerit imaluunniit ilanngaasiisoqarsinnaatitaanerit, imaluunniit akerlianik, pisimasinnaapput.

Taamanikkut akiliinerit aningaasat akileraarusigaasut atorlugit pisimappat, piffissanngornerani tunniunneqarneranni, soraarnerussutisianik ileqqaartoq Kalaallit Nunaannut tamakkiisumik akilerartussaataitaappat, soraarnerussutisianik tunniussineq aamma akileraaruserneqassappat, tamanna marloriaammik akileraarusiinerimik malitseqarsinnaavoq. Nunani allani soraarnerussutisianut aaqqissuussinerit pisuni arlalinni § 39 a-mi imaluunniit § 39 c-mi maleruagassanik naammassinninngitsussaammata, Kalaallit Nunaanni taamaattunik soraarnerussutisianik tunniussinernut akileraarusiinnginnissaq, ullumikkut aningaasarsianit akileraarutit pillugit Inatsisartut inatsisaanni tunngavissaqanngilaq.

Tamanna atuulluni pisut ikittuinnaanissaat naatsorsuutigineqartut iliuseqarfigineqarnissaannut siunnersuummi § 39 d-mi siunnersuutigineqarpoq, soraarnerussutisianik tunniussinerit illugiimmik pisoqarnissaanut tunngaviusoq malillugu

akilaraaruserneqartarnissaannik akuersissuteqarnissamut akileraartarnermut ingerlatsivik piginnaatinneqassasoq. Tamatumani assersuutigalugu aatsitassarsiorfinnik suliaqartunut taamaattunik nunani allani soraarnerussutisianut aaqqissuussisimasunut, sulisussarsisarnissaq ajornanninnerulersinneqassaaq.

Illugiimmik pisoqarnissaanut tunngaviusoq pingaarnertigut tassaavoq, akiliinerit Kalaallit Nunaanni imaluunniit nunani allani ilanngaasiisoqartarnertalimmik imaluunniit ilanngaasiisoqarsinnaatitaanertalimmik pisimasut kisimik, akilaraaruserneqartassasut. Kisianni tunniussinerit, akiliutinut taamanikkut aningaasat akilaraaruserneqartassasut atorlugit pisimasunut naapertuuttut, akilaraaruserneqassanngillat.

Aalajangersakkat taamaalilluni § 39 a-mi aamma § 39 c-mi, aningaasanik akilaraaruserneqartassasut aaqqissuussinerit pillugit maleruagassanut atuutereersunut tapertaassapput.

Aalajangersagaq akuersissummut aalajangersakkatut ilusiligaavoq, tassami maannakkorpiaq kinaassuserneqartassasut tunngavissarititaasunik ilusilersuinissaq periarfissaanngimmat aammalu naliliinissamut suliamit suliamut naliliineq apeqqutaasussaalluni. Tamatuma saniatigut tamanna pillugu suliasat ikittuinnaassasut naatsorsuutigineqarnera pingaartinneqarpoq.

Siunnersuummi piumasaqaatinik naammassineqarsimasussanik aalajangersaasoqarpoq. Assersuutigalugu soraarnerussutisianut aaqqissuussinermit pissarsianit akilaraarummik eqqortumik Kalaallit Nunaannut akiliisoqarsimassasoq piumasaqaataavoq. Taamaalilluni soraarnerussutisianut aaqqissuussinermit pissarsiat akilaraarutitik nalunaarummi allanneqarnissaannut aammalu eqqortumik akilaraaruserneqartassasut aalajangersagaq kajumissaataasinnaavoq.

*Soraarnerussutisianut aaqqissuussinerit § 44 malillugu pigisanit nalilinnit pissarsianik akilaraaruserneqartassasut erseqqissaaneq*

Akileraartussaataasooq aningaasarsianit akilaraarutit pillugit Inatsisartut inatsisaat malillugu soraarnerussutisianut aaqqissuussinermit pissarsianit akilaraaruserneqassaaq, takuuk § 44, imm. 1. Pissarsiat naatsorsorneqartut aningaasarsianut akilaraarutaasussanut naatsorsuinnermi ilanngunneqassapput, taamaalillutillu inunnut akilaraarutitut annertussusissaliussat atorlugit akilaraaruserneqartassasut, takuuk § 44, imm. 3-6.

Imm. 2-mi aalajangersakkami soraarnerussutisianut aaqqissuussinerit arlallit aningaasarsianit akilaraarutit pillugit Inatsisartut inatsisaat malillugu pissarsianit akilaraaruserneqartassasut. Pisuni arlalinni akilaraaruserneqartassasut pillugit, tamatumunnga taarsiullugu aaqqissuussinerit ilaatigut soraarnerussutisiaqalernissamut aningaasaatit ilaannit pissarsiat akilaraaruserneqartassasut pillugit Inatsisartut inatsisaat aamma pigisanit pissarsiat ilaasa akilaraaruserneqartassasut pillugit Inatsisartut Inatsisaat

malillugu 15,3 procentimik annikinnerusumik pissarsianit akileraarusiisarnermi pineqartunut ilaatinneqarnerat. Tassani ilaatigut soraarnerussutisianut aaqqissuussinerit § 39-mi, § 40-mi, § 39 a-mi, § 39 c-mi aamma kapitali 4 a-mi pineqartunut ilaatinneqartut pineqarput.

Imm. 2-mi soraarnerussutisianut aaqqissuussinernik akileraarutitigut iluaqusiiniarnermi tassani siunertaasoq tassaavoq, innuttaasut soraarnerussutisianut aaqqissuussinernik taakkuninnga toqqaasarnissamut kajumissuseqalersinniarnissaat.

Kisiannili soraarnerussutisianut aaqqissuussinerit, danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartut, aamma inatsimmi akileraaruserneqartussaannngillat. Kisiannili danskit soraarnerussutisianik akileraarusiisarnermut inatsisaanni § 53 A-mi soraarnerussutisianut aaqqissuussinerit, Danmarkip aamma Kalaallit Nunaata avataanni pilersinneqartut, pineqartunut ilaatinneqarsinnaapput. Taakkua, immikkoortoq 2.2-mi aallarniutigalugu nassuiarneqartut, tassaasinnaapput aaqqissuussinerit nunani allani, Kalaallit Nunaata soraarnerussutisiassanik uningasuutit imaluunniit pissarsiat pillugit paasissutissanik tigusaqarfigisaannisaanni, inissisimasut. Taamaattumik siunnersuutigineqarpoq aaqqissuussinerit soraarnerussutisianut sullissivimmi Danmarkimi angerlarsimaffeqartumi pilersinneqarsimassasut, erseqqissarneqassasoq.

Soraarnerussutisianut sullissivinni Danmarkimi angerlarsimaffeqanngitsuni aaqqissuussinerit tamatuma kingorna danskit soraarnerussutisianik akileraarusiisarnermut inatsisaanni § 53 A-mi pineqartunut ilaanerat apeqqutaatinnagu, pissarsianit akileraarusiisarnermi sukanninnginnerusumi pineqartunut ilaatinneqassanngillat.

*Aningaasat akileraarusigaasut § 53 a-mi pineqartunut ilaasut atorlugit soraarnerussutisianut aaqqissuussinernut nuussinerit pillugit ikaarsaarnermut maleruagassat.*

Soraarnerussutisianut aaqqissuussinernik aalajangersimasunik, danskit soraarnerussutisianik akileraarusiisarnermut inatsisaanni § 53 a-mi pineqartunut ilaasunik, nuussinerit pillugit ikaarsaarnermut maleruagassanik atuutsitsisoqalissasoq siunnersuutigineqarpoq.

Soraarnerussutisianit aningaasanik akileraarusigaasunik akiliiffigineqarsimasunik tunniussinerit, taakkunani § 39 a, imm. 1-mi aamma 2-mi imaluunniit § 39 c-mi atugassarititaasut naammassineqarsimappata, Kalaallit Nunaanni akileraarusigaassanngillat.

§ 39 c maleruagassaavoq immikkut ittoq, soraarnerussutisianut aaqqissuussinernut Kalaallit Nunaanni soraarnerussutisianut ingerlatseqatigiiffimmit Danmarkimi ingerlatseqatigiiffimmut taamanikkut tunniunneqartunut, tunngassuteqartoq. Taamaattumik maleruagassap atuuffissai annikitsuaraapput.

§ 39 a malillugu soraarnerussutisiaqalernissamut ukiorititani tunniussinerit akileraaruserneqannginnissaannut, soraarnerussutisianut aaqqissuussinerit aallaaviatigut

inuuneq tamaat ingerlaavartumik tunniunneqartartussanik imaqassapput. Soraarnerussutisianik tunniussinerit § 39 a-mi atugassarititaasunik unioqquitsineruppata, tunniussinerit aallaaviatigut tiguisisumut akileraarutaasussanngussapput. Taamatut pisoqarnerani taamaalilluni marloriaammik akileraarusiineq pilertussaavoq, tassami aaqqissuussinerimut akiliutit taamanikkut aamma akileraaruserneqarmata. Tamanna assersuutigalugu pisinnaavoq, aaqqissuussinerimut piffissanngornerani soraarnerussutisianik tunniussinerit naafferartumik imaluunniit ataatsikkut soraarnerussutisiatut tunniunneqassasut, aalajangiisoqarsimappat.

Tunniussinissaq pillugu aalajangiisoqarsimappat, kingusinnerusukkut soraarnerussutisianut atugassarititaasunik allanngortitsinerup kingunerisaanik aaqqissuussineq § 46, imm. 1-2 malillugit atorunnaarsimasutut isigineqarsinnaavoq. Tamanna 10 procentimik akitsuusiisussanngortitsisinnaavoq.

Maleruagassat imminnut ataqatigiinnerat, aningaasanik akileraarusigaasunik, 2017, soraarnerussutisianik akileraarusiisarnermut maannakkut maleruagassat atuutilerfiat, sioqqullugu pilersinneqarsimasunik atuilluni soraarnerussutisianut aaqqissuussinerimut unammilligassaqalersitsisinnaavoq. Innuttaasut taamatut pisoqarnerani maleruagassanut atuutilertussanut naleqqussarnissamut killilimmik piffissaqarsimapput.

Taamaattumik siunnersuutigineqarpoq ikaarsaarnermi aaqqissuussinerimik atuutsitsisoqalissasoq. § 45, imm. 4-p siunnersuutigineqartup atuutilernerani, aningaasat akileraarusigaasut atorlugit soraarnerussutisianut aaqqissuussinerimut aalajangersimasunit nuussisoqarsinnaavoq, tassani § 39 a-p imarisaannik unioqquitsinerusussamik piffissanngornerani tunniussinerit sioqqutsisumik aalajangersarneqarsimassallutik. Nuussineq akileraartarnerimut ingerlatsivimmit akuerineqarsimassaaq.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Siunnersuut</i>
§ 39, imm. 1, nr. 3 3) Utoqqalineq pissutigalugu soraarnerussutisiat siusinnerpaamik tunniunneqarsinnaapput 60-inik ukioqalernerimi, taakkuninnga ukiukinnerunissaq akileraaruseriffimmit akuerineqarsimanngippat.	<b>1.</b> § 39, imm. 1, nr. 3, imatut oqaasertalerneqarpoq: ” 3) Utoqqalineq pissutigalugu soraarnerussutisiat siusinnerpaamik 60-inik ukioqalernerimi, taakkuninnga ukiukinnerunissaq akileraartarnerimut ingerlatsivimmit akuerineqarsimanngippat, tunniunneqartarnerat aallartissinnaavoq.”
§ 39 a, imm. 2, nr. 1 1) Aaqqissuussineq soraarnerussutisiaqarnissamut aningaasaateqarfimmi,	<b>2.</b> § 39 a-mi, imm. 2, nr. 1-imi, uniffiup aappaatut ilanngunneqarpoq:

<p>sillimmasiisarneq pillugu inatsimmi pineqartunut ilaasumi imaluunniit inuunermut soraarnerussutisiaqarnissamullu sillimmasiisarfimmi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsimassaaq.</p>	<p>”Soraarnerussutisiaqarnissamut aningaasaateqarfik imaluunniit inuunermut soraarnerussutisiaqarnissamullu sillimmasiisarfik Danmarkimi angerlarsimaffeqassaaq.”</p>
<p>§ 39 a, imm. 2, nr. 2 2) Utoqqalineq pissutigalugu soraarnerussutisiat siusinnerpaamik tunniunneqarsinnaapput 60-inik ukioqalernermi, taakkunannga ukiukinnerunissaq akileraaruseriffimmit akuerineqarsimangippat.</p>	<p><b>3.</b> § 39 a, imm. 2, nr. 2, imatut oqaasertalerneqarpoq: ”2) Utoqqalineq pissutigalugu soraarnerussutisiat siusinnerpaamik 60-inik ukioqalernermi, taakkuninnga ukiukinnerunissaq akileraartarnermut ingerlatsivimmit akuerineqarsimangippat, tunniunneqartarnerat aallartissinnaavoq.”</p>
	<p><b>4.</b> § 39 c kingorna ilanngunneqarpoq: ”§ 39 d. Akiliinerit aningaasat akileraarusigaasut atorlugit pisimappata, soraarnerussutisianut aningaasaateqarfinit, inuunermut soraarnerussutisianullu sillimmasiisarfinit, aningaaserivinnit il.il. Danmarkimi imaluunniit Kalaallit Nunaanni angerlarsimaffeqanngitsunit imaluunniit Kalaallit Nunaanni aalajangersimasumik ingerlatsiveqanngitsunit soraarnerussutisianik tamakkiisumik ilaannaasumilluunniit akileraaruserneqartussaangitsunik siunissami tunniussisarnissaq, Akileraartarnermut ingerlatsiviup qinnuteqartoqarneratigut akuerisinnaavaa. Piumasaqaatit makkua tamarmik naammassineqarsimassapput: 1) Aaqqissuussineq soraarnerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akileraartussaataalinnginnerani pilersinneqarsimassaaq aammalu aaqqissuussineq nunami Kalaallit Nunaata marloqiusamik akileraarusiinnginnissaq pillugu isumaqatigiissuteqarfigisimasaani pilersinneqarsimappat, soraarnerussutisiaqarsinnaatitaasoq imaluunniit</p>



	<p>sillimmasiisq isumaqatigiisummi aalajangersakkat malillugit Kalaallit Nunaanni angerlarsimaffeqartut isigineqassalluni.</p> <p>2) Nunani allani, Danmarkimi, Savalimmiuni imaluunniit Kalaallit Nunaanni isertitanik akileraaruteqartussanik naatsorsuinermi, aaqqissuussinermut akiliinernut tamakkiisumik ilaannaasumilluunniit ilanngaatigineqarsinnaaneri imaluunniit ilanngaasiisoqarsinnaatitaanerit atuussimanngitsoq, soraarnerussutisiaqarsinnaatitaasup imaluunniit sillimmasiisup uppersassavaa, taamaattoq takuuk imm. 3.</p> <p>3) Soraarnerussutisiaqarsinnaatitaasup imaluunniit sillimmasiisup Kalaallit Nunaannut tamakkiisumik akilerartussaataalernerata kingorna aaqqissuussinermut akiliisoqarsimassanngitsoq, Norgemi, Savalimmiuni Islandimi imaluunniit nunani allani EU-mut ilaasortaasuni akileraarusiinermut ingerlatsisut soraarnerussutisiaqalertussaataaneq pillugu Inatsisartut inatsisaat naapertorlugu akuerisimasaat eqqaassanngikkaanni.</p> <p>4) Tamatumunnga Kalaallit Nunaat akileraarusiinnaatitaasimappat, piffissami soraarnerussutisiaqarsinnaatitaasup imaluunniit sillimmasiisup Kalaallit Nunaannut akileraartussaataanerani soraarnerussutisianut aaqqissuussinermut pissarsianit akileraarummik akiliisoqarsimassaaq.</p> <p><i>Imm. 2.</i> Aaqqissuussinermik pilersitsinermi imaluunniit aaqqissuussinermut akiliinermi siunertaasut pingaarnertit ilaat Kalaallit Nunaanni imaluunniit Kalaallit Nunaata avataani akileraaruserneqarnissamik pinngitsuiniarnertut isigineqartariaqartoq, pissusiviusut aammalu pisut tamaasa eqqarsaatigalugit naapertuuttumik aalajangiunneqarsinnaappat, imm. 1-imi piumasqaatit naammassineqarsimanerat apeqqutaatinagu, akileraartarnermut ingerlatsiviup qinnuteqaatip akuerinissaa itigartissinnaavaa.</p> <p><i>Imm. 3.</i> Soraarnerussutisianut aaqqissuussinermut akiliinertit aningaasat akileraarusigaasut imaluunniit akileraarusigaanngitsut atorlugit pisimappat, imm. 1 naapertorlugu akuersissuteqarnermi tunniussinertit ilai,</p>
--	--

	<p>inuup aningaasat akileraarusigaasut atorlugit akiliinernut tunngassuteqartut uppernarsarsinnaasaattut annertussuseqartut, kisimik ilaatinneqassapput. Pissarsiat, erniat assigisaalluunniit aningaasat akileraarusigaanngitsut atorlugit akilerneqartunut tunngassuteqartut ilanngunneqassanngillat, Norgemi, Savalimmiuni Islandimi imaluunniit nunani allani EU-mut ilaasortaasuni akileraarusiinermit ingerlatsisut soraarnerussutisiaqalertussaataaneq pillugu Inatsisartut inatsisaat naapertorlugu akuerisimasaat eqqaassanngikkaanni ”</p>
<p>§ 44, imm. 2, nr. 1 1) aaqqissuussinernut § 39, imm. 1-imi, § 39 a, imm. 1-imi 2-milu, aamma § 40, imm. 1-imi pineqartunut kiisalu aaqqissuussinernut allanut, soraarnerussutisianik akileraarusiisarneq pillugu inatsimmi § 53 A-mi pineqartunut.</p>	<p><b>5. § 44, imm. 2, nr. 1</b>, imatut oqaasertalerneqarpoq: ”1) aaqqissuussinerit § 39, imm. 1-imi, § 39 a, imm. 1-2-mi, § 39 c-mi aamma § 40, imm. 1-imi pineqartunut ilaatinneqartut, kiisalu aaqqissuussinerit allat danskit soraarnerussutisianik akileraarusiisarnermut inatsisaanni § 53 A-mi pineqartunut ilaasut, soraarnerussutisianut sullissivimmi Danmarkimi angerlarsimaffeqartumi pilersinneqarsimasut.”</p>
	<p><b>6. § 45, imm. 3-imi imm. 4-tut ilanngunneqarpoq:</b> ”Imm. 4. Soraarnerussutisianut aaqqissuussinermit, naafferartumik imaluunniit ataatsikkut tunniunneqartussanit, aammalu danskit soraarnerussutisianik akileraarusiisarnermut inatsisaanni § 53 A-mi pineqartunut ilaasumit aammalu soraarnerussutisianut aningaasaateqarfimmi Danmarkimi angerlarsimaffeqartumi, sillimmasiinermit suliaqarneq pillugu inatsimmi pineqartunut ilaasumit, imaluunniit inuunermit soraarnerussutisianullu sillimmasiisarfimmi Danmarkimi angerlarsimaffeqartumi, sillimmasiinermit suliaqarnermit ingerlatsinissamut Finanstilsynimit akuersissummik tunineqarsimasumi pilersinneqarsimasumit, soraarnerussutisianut aaqqissuussinermit § 39 a imm. 1-imi aamma imm. 2-mi pineqartunut ilaasumit ingerlaavartumik tunniussiviusartumut, nuussineq, tunniussinertut imaluunniit akiliinertut suliarineqassanngilaq. Uniffik siulleq malillugu nuussineq akileraarnermut ingerlatsivimmit akuerineqassaaq. Aaqqissuussinerup</p>

	<p>nuussinermi tigusiiffigineqartup 2016-ip naanerani atuutilersimanissaa aammalu nuussinerup 2023 naatinnagu akileraartarnermut ingerlatsivimmit akuerineqarsimanissaa, piumasagaataavoq. Tamatuma saniatigut Kalaallit Nunaanni imaluunniit nunani allani aaqqissuussinermut akiliinerni ilanngaatigineqarsinnaaneri imaluunniit ilanngaasiisoqarsinnaatitaanerit atuussimanngitsut, akileraartussaataitaasut uppersarsassagaat, piumasagaataavoq. Nuussineq inummut ataatsimut aaqqissuussinermut pioreersumut imaluunniit pilersinneqaqqammersumut allamut pissaaq. Aaqqissuussinernik allanik, naafferartumik imaluunniit ataatsikkut tunniunneqartussanut annertunerpaatigut sanilliunneqarsinnaasut, immikkoortumi matumani maleruagassat malillugit suliarineqarnissaa Akileraartarnermut ingerlatsiviup akuerisinnaavaa.”</p>
<p>§ 46, imm. 1 ”§ 46. Soraarnerussutisiaqarnissamut aaqqissuussinermut imaluunniit inuunermut sillimmasiinnermit piffissaq suli nallinngitsoq atorunnaarsinneqartumit tunniunneqartunit akitsuut 55 procentiusoq akilerneqassaaq. Aaqqissuussinermut akiliutit ilanngaatigineqarsinnaanerat imaluunniit sulisitsisup akileeqataassutaasa ilanngunneqartussaanninnerat aningaasarsiat akileraaruteqartussaasut naatsorsorneranni tamakkiisumik ilaannakuusumilluunniit atuutsinneqarsimanngitsoq, tak. § 39 a, imm. 1, uppersarsarneqarpat akitsuut 10 procentiusoq akilerneqassaaq.</p>	<p><b>7. § 46, imm. 1-imi, uniffiit sisamaattut ilanngunneqarpoq:</b> ”Soraarnerussutisianut aaqqissuussineq, imm. 5-6 malillugit akitsuuserneqartussaataasoq, aaqqissuussinertut isertitanik akileraaruteqartussanik naatsorsuinnermi, aaqqissuussinermut akiliinerni ilanngaatigineqarsinnaanerat imaluunniit ilanngaasiisoqarsinnaatitaanerattut isigineqartoq.”</p>

<p>Soraarnerussutisiaqarnissamut aaqqissuussinermut akiliinerit aningaasat akileraarusigaasut akileraarusigaanngitsullu atorlugit pisimappata, aningaasat tunniunneqartut ilaat inuup aningaasat akileraarusigaasut atorlugit akiliuteqarfigineqarsimasutut uppersarsinnaasaanut naapertuuttut 10 procentimik akitsuuserneqassapput, tak. § 39 a, imm. 4.”</p>	
	<p><b>8. § 46-ip kingorna ilanngunneqarpoq:</b>  ” § 46 a. Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraaruserneqartarnerat matussutissatut soraarnerussutisianut aaqqissuussinernit tunniussinerit, isertitanut akileraaruteqaataasussanut ilanngunneqassanngillat aammalu piffissaanngitsumi atorunnaarsitsinerit isigineqassanatik.  Imm. 2. Pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu akileraaruserneqartarnerat matussutissatut aningaasanik tunniussineq, kingusinnerpaamik ukiup pissarsiasat pissarsiasanngorfiata kingorna ukiumi pissaaq.”</p>
<p>§ 60. Ingerlatseqatigiiffiit tamakkiisumik aamma ilaannakortumik akileraaruserneqartut Skala malillugu isertitat 30%-iinig ingerlatseqatigiiffinnut akileraaruteqarput.  Imm. 2. Ingerlatseqatigiiffiit aatsitassanik misissuinissamut imaluunniit pianaanissamut Sermip erngullu avammut nioqqutissatut atorneqarnissaat pillugu Inatsisartut inatsisaat naapertorlugit akuersissutillit, Skala malillugu isertitat 30%-</p>	<p><b>9. § 60, imm. 1-imi aamma 2-mi, ”30” allanngortinneqarpoq uunga: ”25”.</b></p>

iinik ingerlatseqatigiiffinnut akileraaruteqarput	
	<b>§ 2</b>
	Inatsisartut inatsisaat ulloq 1. januar 2021 atuutilerpoq aammalu ukioq isertitaqarfiusoq 2021 aallarnerfigalugu atuulluni.

### 3. Pisortanut aningaasaqarnikkut allaffissornikkullu sunniutaasussat

2020-mi ukioq isertitaqarfiusoq aallarnerfigalugu ilanngullugulu ingerlatseqatigiiffiit akileraarutaannit iluanaarutit annikillinerannik, ingerlatseqatigiiffiit akileraarutaata appartinneqarnera malitseqassasoq naatsorsuutigineqarpoq. 2020-mut ukiumut isertitaqarfiusumut ingerlatseqatigiiffiit akileraarutai 2021-mi ukiumi isertitaqarfiusumi akilersinneqassapput. Taamaattumik ukiut isertitaqarfiusut tulliini iluanaarutinit sunniuteqassapput.

2020-mut ukiumut isertitaqarfiusumut tunngatillugu, ingerlatseqatigiiffiit akileraarutaannut annertussusiliussaq 25 procentiutillugu, nunap karsianut aamma kommuninut agguarlugu, ukiumut iluanaarutinit annaasassat imatut missingersorneqarput:

	[mio. kr.]
Kommunit	25
Namminersorlutik Oqartussat	29
Katillugit	54

Kisitsisit nalorninartortaqarput. Ingerlatseqatigiiffiit akileraarutaannit iluanaarutit, ingerlatseqatigiiffiit sinneqartoorutaat apeqqutaallutik, ukiumit ukiumut nikerartarput, tamatumunngalu aamma inuiaqatigiinni akit nikerarnerat, inuit atuinerat, aalisakkanut qalerualinnullu niuerfimmi akigitat aamma illuliornernik sanaartornernillu inuussutissarsiornermi ingerlatat il.il. apeqqutaasarlutik. Siunnersuut ineriartortuatumik sunniuteqassasoq naatsorsuutigineqarpoq, tamannalu inuit akileraarutaannit akitsuutinillu qaffasinnerusumik iluanaaruteqartitsissasoq naatsorsuutigineqarpoq.

Namminersorlutik Oqartussat ingerlatseqatigiiffiit akileraarutaannit iluanaarutaasa ilai, aktiaateqarluni Namminersorlutik Oqartussanit pigineqartuneersuusarput. Taakkua akileraarutineersuunerat imaluunniit agguagarsianeersuunerat apeqqutaanani, ingerlatseqatigiiffiit taakkua sinneqartoorutimik ilaannik Nunatta karsianut annertunerpaatigut taamaaginnartunik pissarsiaqartitsisartut tunngavigineqarpoq. Taamaattumik naatsorsuinermi ingerlatseqatigiiffiit taakkua ilaatinneqanngillat.

Ingerlatseqatigiiffiit akileraarutaannit iluanaarutit Nunatta Karsianut kommuninullu agguarneqartarneranni periaaseq pissutigalugu, kommunit iluanaarutit appararnerisa ilai

annertuut nammattussaavaat. Kommunini nalimmassaaneq, taanna malillugu ingerlatseqatigiiffiit akileraarutaannit pissarsianillu akileraarutinit iluanaarutit kommunit akornanni agguarneqartarlutik, kommunit arlaanni ingerlatseqatigiiffiit akileraartussaataitaanersut imaluunniit qullersaqarfeqarnersut, iluanaarutitigut pingaaruteqannginneranik tamanna malitseqarpoq. Kommunini nalimmassaanerup malitsigisaanik ingerlatseqatigiiffiit akileraarutai, innuttaasut amerlassusaat aamma pilersuinissamut nammagassat tunngavigalugit kommunit akornanni agguarneqartarput.

Iluanaarutinit annaasassat missiliorneqartut kommuninut ataasiakkaanut agguarnerat imaappoq:

	[mio.kr.]
Kommune Kujalleq	3
Qeqqata Kommunia	4
Avannaata Kommunia	5
Kommune Qeqertalik	3
Kommuneqarfik Sermersooq	9
<hr/>	
Katillugit	25

Appaanermi iluanaarutinit ikileriaatit ilarpassui kommuninit nammanneqartussaammata, kommunit ilanngaaseereerluni iluanaarutit apparnerannut ataatsimoortumik tapiissutitigut tamakkiisumik ilaannakuusumilluunniit taarsiivigineqassapput. Tamanna kommuninut ataatsimoortumik tapiissutit isumaqatiginniutiginerannit pisussami ilaatinneqassaaq.

*Soraarnerussutisianik akileraarusiisarnerup allanngortinneqarnera*

Soraarnerussutisianik akileraarusiisarnermut maleruagassat allanngortinneqarnerat, maleruagassat akileraarnermut ingerlatsivimmi allaffissornikkut aqukkuminarnerulernerannik malitseqassasoq naatsorsuutigineqarpoq.

§ 39 d-p atuutsinneqalernerata malitsigissavaa, akiliinerit taamanikkut aningaasanik akileraaruserneqartunik pisimappata, Kalaallit Nunaata soraarnerussutisianut aqqissuussinernit Kalaallit Nunaata avataaneersunit tunniussinerit ilaannik akileraarusiisinaatitaajunnaarnera. Tassani ilaatigut pineqarput tunniussinerit soraarnerussutisianut aqqissuussinernit pissarsiassanit katersaneersut, kiisalu tunniussinerit akiliutineersut, akileraartussaataitaasup akilersimallugit uppersarsinnaasai. Allanguutit siunissami inuit akileraarutaannit iluanaarutit annikinnerulernerannik malitseqarsinnaapput. Taakkunannga iluanaarutit annikinnerulernerat malunnaateqassanngitsoq naatsorsuutigineqarpoq.

Kisiannili aamma allanguinerup malitsigisaanik nunani allani soraarnerussutisianut aqqissuussinernit arlallit, pigisanit pissarsiat ilaasa akileraaruserneqartarnerat pillugu Inatsisartut inatsisaat malinnagu, aningaasarsianit akileraarutit pillugit Inatsisartut inatsisaanni maleruagassat malillugit pissarsianit akileraarusiisarnermi pineqartunut ilaatinneqalissapput. Aningaasarsianit akileraarutit pillugit Inatsisartut inatsisaanni pissarsianit akileraarusiisarneq

qaffasinnerummat (inuit akileraarutaannut annertussusissaliussat), siunissami Nunatta Karsiata iluanaarutaasa qaffasinnerulernerannik tamanna malitseqarsinnaavoq.

Akileraartarnermut ingerlatsiviup akileraartussaataitaasup soraarnerussutisianut aaqqissuussinerini uninngasuutinut Danmarkip aamma Kalaallit Nunaata avataaniittunut tamakkiisumik ilisimangilaa. Tamatuma saniatigut sunniutaasussanut avataaneersut Kalaallit Nunaanni sulisut aammalu nunani allani soraarnerussutisiassaqtut amerlassusaat, kiisalu inuit maani najugaqtut nunani allani soraarnerussutisiassaqtut amerlassusaat, apeqqutaassapput. Taamaattumik allannguutit tamaasa ataatsimut isigalugu nunap karsianut aningaasaqarnikkut sunniutaasussat qanoq issanersut missiliorneqarsinnaanngillat.

#### **4. Aningaasaqarnikkut aamma allaffissornikkut inuussutissarsiortunut kingunerisassai**

Ingerlatseqatigiiffiit akileraarutaata appartinneqarnera inuussutissarsiortunut pitsaasumik sunniuteqassasoq naatsorsuutigineqarpoq. Ingerlatseqatigiiffiit akileraarutaata appartinneqarnera ingerlatseqatigiiffinnut sinneqartooruteqtartunut annertunerpaamik sunniuteqartussaavoq. Kisiannili appartitsineq qanoq ataasiakkaatigut sunniuteqassanersoq nalileruminaappoq. Tamatumunnga ingerlatseqatigiiffiit aamma aningaasaatinik piginnittut pissusilersortarnerat, siuariartortitsinissamut periarfissaqarnerat aammalu inuiaqatigiinni aningaasat nalingisa nikerarnerat, apeqqutaasussaapput.

Tamatuma saniatigut siunnersuut inuussutissarsiortunut allaffissornikkut imaluunniit aningaasaqarnikkut annertuunik sunniuteqassanganneqanngilaq.

#### **5. Avatangiisinut, pinngortitamut inuillu peqqissusaannut sunniutaasussat**

Siunnersuut avatangiisinut, pinngortitamut imaluunniit inuit peqqissusaannut sunniuteqassanganneqanngilaq.

#### **6. Innuttaasunut sunniutaasussat**

Misissuinerni misilittakkat arlallit ersersippaat ingerlatseqatigiiffiit akileraarutaanni nammagassat ilai annertuut aningaasarsiat appasinnerulerneranni sulisartunit nammaneqartartut. Kisiannili ingerlatseqatigiiffiit akileraarutaata, ingerlatseqatigiiffiit aningaasaliinerisa ilaasa nunani allani ingerlanneqarneranni, sulinermi pilersitsisinnaassuseqarneq appartittaraa, tunngavissaqarpoq. Paarlattuanik ingerlatseqatigiiffiit akileraarutaat appasinneruppat, tunisassiornerup ingerlanneqarfiini annertunerusumik aningaasaliisitsisalersinnaavoq, tamannalu sulisut suliaqarnerulernerannik malitseqarsinnaavoq. Taamaalilluni ingerlatseqatigiiffiit akileraarutaata appartinneqarnera aningaasarsiat qaffasinnerulernerannik malitseqarsinnaavoq.

Soraarnerussutisianik akileraarusiisarnermut maleruagassat allanngortinneqarneranni nunani allani soraarnerussutisianut aaqqissuussinerit akileraarutitigut qanoq iliuseqarfigineqassanersut, ersarinnerulersitsissasoq naatsorsuutigineqarpoq.

Tamatuma saniatigut siunnersuut innuttaasunut annertuunik sunniuteqassasoq naatsorsuutigineqanngilaq.

### **7. Sunniutaasussat annertuut allat**

Siunnersuutip annertuunik allanik sunniuteqarnissaa naatsorsuutigineqanngilaq.

### **8. Oqartussanut kattuffinnullu il.il. tusarniaaneq**

Siunnersuut piffissami 7. maj 2020 - d. 12. juni 2020 makkunani tusarniaassutigineqarpoq:

GE, Sulisitsisut, NUSUKA, GrønlandsBanken, Banknordik, SISA, Willis Towers Watson, Forsikring og Pension, PFA Danmark, Aningaasaqarnermut aqutsisoqarfik, Naalagaaffiup atorfilittai, Deloitte, Grønlands Revisionskontor, BK Revision, EY Kalaallit Nunaat, BDO, Kalaallit Nunaanni Advokatit, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Inuussutissarsiornermut, Nukissiuuteqarnermut Suliffeqarnermullu Naalakkersuisoqarfik, Aatsitassanut Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Peqqissutsimut Naalakkersuisoqarfik, Isumaginninnermut Inatsisinillu Atuutsitsinnermut Naalakkersuisoqarfik.

Tusarniaaneq naalakkersuisoqarfinni suliassaqarfinnik allanngortitsinerup atuutsinneqalinnginnerani nassiunneqarpoq. Naalakkersuisoqarfiit taaguutaat atorneqartut, taaguutinit atuuttunit allaanerupput.

Siunnersuut aammattaaq tusarniaanermut nittartakkami tamanut saqqummiunneqarpoq uani [www.naalakkersuisut.gl](http://www.naalakkersuisut.gl).

Tusarniaanermut piffissamat killiliussap naanerani tusarniaanermut akissutinik makkuninngaani tigusaqartoqarpoq:

SISA, Peqqissutsimut Naalakkersuisoqarfik, Willis Towers Watson, Forsikring og Pension, Ilinniartitaanermut, Kultureqarnermut Ilageeqarnermullu Naalakkersuisoqarfik, aamma BankNordik.

BankNordik aamma Ilinniartitaanermut, Kultureqarnermut Ilageeqarnermullu Naalakkersuisoqarfik tusarniaanermut oqaaseqaatissaqarsimangillat.

Matuma kingulianiittuni tusarniaanermut akissuteqaatit allaaserineqarput. Naalakkersuisunit oqaaseqaatit *uingasumik* allanneqarput.

### SISA

Aningaasarsianit akileraarutit pillugit Inatsisartut inatsisaat arlaleriarluni allanngortinneqarsimasoq, taamaattumillu ataatsimut isiginnissinnaaneq



ajornakusoorsinnaasoq, SISA-p tikkuarpaa. Taamaattumik SISA-p siunnersuutigaa inatsit ataatsimoortunngorlugu allanneqassasoq.

*Aningaasarsianit akileraarutit pillugit Inatsisartut inatsisaat pillugu inatsimmut nalunaarummik saqqummiinissaq sulissutigineqarpoq.*

SISA-ip § 44, imm. 2, nr. 1-ip allanngortinneqarneranut aalajangersakkanut ataasiakkaanut nassuiaatini annikitsumik naqinnerliugaqartoq tikkuarpaa, tassani § 53 a-mut taarsiullugu § 54 a marloriarluni innersuussutigineqarluni.

*Oqaaseqaat ilanngunneqarpoq.*

§ 47 f, imm. 1-ip allanngortinneqarnerani aalajangersakkami uniffimmi siullermi allanngortitsisoqartoq ilimanarpoq, aalajangersakkami uniffiup aappaaniunngitsoq.

*Aalajangersagaq peerneqarpoq, tassami aalajangersagaq pisariaqanngitsutut isikkoqarmat.*

#### Forsikring og Pension (FP)

FP-p siunnersuutigaa inatsisissatut siunnersuut iluarsineqassasoq, taamaalluni § 53 A-mi aaqqissuussinernut danskit aningaaseriviini pilersinneqarsimasunit 15,3 procentinik pissarsianit akileraarummik taamaallaat akiliisoqaannartassalluni. Taamatut allannguinermi sullitanut iluaqutaasumik nuannaarutaasumillu Kalaallit Nunaanni soraarnerussutisiassanik annertuumik neqerooruteqarnissaa qulakkeersimaannarneqassaaq.

Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarnera

Inatsisissatut siunnersuummi siunnersuutigineqarpoq, danskit soraarnerussutisianik akileraarusiisarnermut inatsisaanni § 53 A-mut innersuussineq peerneqassasoq. Tamatuma kingunerisaanik aaqqissuussinerit pigisanit pissarsiat ilaasa akileraaruserneqartarnerat pillugu Inatsisartut Inatsisaat malillugu 15,3 procentinik pissarsianik akileraarusiisarnermi sukanninnginnerusumi pineqartunut ilaatinneqarnissaannut, danskit § 53 A-mut aaqqissuussineri, aningaasarsianit akileraarutit pillugit Inatsisartut inatsisaanni § 39 a-mi imaluunniit § 39 c-mi pineqartunut ilaatinneqartussaapput.

Danskit § 53 A-mut aaqqissuussinerat § 39 a-mi imaluunniit § 39 c-mi pineqartunut ilaanngippat, pissarsianit ingerlaavartunit aningaasarsianit akileraarummik akiliisoqartartussaavoq. Tamatuma kingunerisaanik pissarsianit ingerlaavartumik akileraarusiisarneq malunnaatilimmik qaffattussaavoq.

2016-imi soraarnerussutisianik iluarsaaqqinnermut atatillugu Forsikring & Pension ileqqaarnerup nalaani allanngorartitsisoqarsinnaaneranut periarfissanut tunngatillugu ulloq 28. september 2016 Naalakkersuisoqarfimmut saaffiginnippoq (ilanngunneqarpoq).

Taamanikkut naliliivugut, soraarnerussutisianik ileqqaartoq, aalajangersimasumik tunniussinerup iluseqarnissaanut ileqqaakkanik toqqortarineqartunik sioqqutsisumik aalajangersaanertaqanngitsumik, § 53 A-mi aaqqissuussinermut akiliutigineqartunik tigusisinnaassasoq. Aningaasanik tigusisussaq Kalaallit Nunaanni najugaqarpat, maleruagassat nutaat naammassinissaanut, aatsaat tunniussinerup pinerani taamaalilluni inuunermut sillimmasiissutinit tigusartagaqarnissamut aaqqissuussinerit il.il. pisiarineqartassapput. Tamanna toqukkut qimagunnerni aammalu soraarnerussutisiaqalernerimi atuuppoq. Ileqqaarnerup nalaani taamaalilluni toqqortanut ilusissanut piunasaqaateqanngilaq, taamaattumillu aamma annasaqarsinnaanermut matussutissartaqarlutik aningaasanik ileqqaagaasinnaallutik (innarluuteqalernerimi, toqukkut qimagunnermi, annertumik napparsimalernerimi il.il. matussutissat).

Soraarnerussutisianut ileqqaakkani aningaasaatinut isertitanut akileraarusiinertut ittut atuutilersussat, inunnut Kalaallit Nunaanni najugaqartunut § 53 A-mi aaqqissuussinernut tamanut assigiilernissaasa qulakkeernissaa pingaaruteqartoq, Forsikring & Pensionip taamanikkut peqatigisaanik eqqumaffigeqquaa.

Taamatut allanngorarsinnaassuseqartitsineq pingaaruteqartorujussuuvoq, tassami Danmarkimi soraarnerussutisianik pilersuisunut, § 53 A-mi aaqqissuussinertut inuunerup sinnerani inuunermut sillimmasiissutinit tigusartagaqartitsisanngitsunut, tunisassianik atuutereersunik atuinissaq aammalu soraarninngornermut atatillugu tunniussisarnermut periaatsimut allamut aatsaat atassusernissaa, tassani ajornarunnaarsinneqartussaammat.

Aningaasarsianit akileraarutinit inatsimmi § 39 a-mi piunasaqaatit aatsaat tunniussinerup nalaani naammassineqarsimasussaasut, allakkani 3. september 2016-imeersuni (ilanngussatut ilanngunneqarpoq)Naalakkersuisoqarfiup uppenarsarpaa.

Taamatut akissuteqarneq malillugu danskit soraarnerussutisianut ingerlatseqatigiiffii naleqqussarput, tamatumanilu sullitanut iluaqutaasumik nuannaarutaasumillu Kalaallit Nunaanni soraarnerussutisiassanik annertuumik neqerooruteqaannarnissaa qulakkeerneqarpoq.

Inatsisissatut siunnersuut akuerineqassappat, tamatuma kingunerisaanik danskit § 53 A-mi aaqqissuussinernit, § 39 a-mi imaluunniit § 39 c-mi pineqartunut ilaatinneqanngitsunit, pissarsiasanik ingerlaavartunik aningaasarsianit akileraarummik akiliisoqartalissaaq.

Ingerlatseqatigiiffiit ilaannut §53 A-mi aaqqissuussininerup ileqqaarnerup nalaani § 39 a-mi piunasaqaatinik naammassinnittusanngorlugi, iluarsineqarnera, annertuumik IT-kkut allanngortitsinermik kinguneqassaaq – aammalu akisussalluni. Tamatumunnga aningaasartuutit aallaaviatigut sullitanut pineqartunut pisussaaffiliunneqartussaapput, tamatumalu kingunerisaanik sullitanut ataasiakkaanut allaffissornermut aningaasartuutit

annertuumik qaffattussaallutik. Aamma taamatut allanngortitsinerup iluaqutissartai ingerlatseqatigiiffiit ilaasa aningaasartuutaannut nallersuussinnaassanngitsut, akerlilerneqarsinnaanngilaq, taamaattumik sullitat pissarsianit ingerlaavartunik aningaasarsianut akileraarutunik akiliisartussanngussallutik.

Kisiannili paasisinnaavarput ajornartorsiut annertoq tassaasoq, aaqjissuussineq Danmarkip imaluunniit Kalaallit Nunaata avataani pilersinneqartoq, danskit soraarnerussutisianik akileraarusiisarnermut inatsisaanni § 53 a-mi aalajangersakkani pineqartunut ilaanersoq, Kalaallit Nunaanni akileraarnermut ingerlatsiviup nalileruminaatsissinnaagaa.

Tamanna tunngavigalugu Forsikring & Pension siunnersuutigaa, inatsisissatut siunnersuut iluarsineqassasoq, taamaalilluni § 53 A-mi aaqjissuussinermit, danskit aningaaserivianni pilersinneqartumit 15,3 procentimik pissarsianit akileraarummik akiliisarneq ingerlaannassalluni. Taamatut allanngortitsinermit sullitanut iluaqutaasumik nuannaarutaasumillu Kalaallit Nunaanni soraarnerussutisiassanik neqerooruteqarnerup annertuujuinnaarnissaa qulakkeerneqassaaq.

Tassunga atatillugu aamma oqaatigineqassaaq, ingerlaavartumik tunniussisarnissamut kajumissuseqalersitsinissaq suli atuuttoq, tassami tunniussinerit akileraaruteqassanngippata, tunniussinerup nalaani § 39 a-mi piumasaqaatit naammassineqarsimasussaammata.

Forsikring & Pension aningaasarsianit akileraarutit pillugit Inatsisartut inatsisaata allanngortinneqarnissaa pillugu siunnersuummut allanik oqaaseqaatissaqanngilaq.

Taamaattoq qanoq pisoqaraluarpalluunniit, allannguutit tunniussisarnermut maleruagassanut sunniuteqassanngitsut, inatsimmut nassuiaatini erseqqissarneqarpat, iluaqutaasussatut isigaarput. Tassa imaappoq, tunniussinerit akileraaruserneqassanngippata, aningaasarsianit akileraarutitut inatsimmi § 39 a-mi piumasaqaatit aatsaat tunniussinerup nalaani naammassineqarsimasussaasut.

*Oqaatigineqassaaq tusarniaanermut akissuteqaammi pigisanit pissarsiat ilaasa akileraaruserneqartarnerat pillugu Inatsisartut Inatsisaat aamma aningaasarsianit akileraarutit pillugit Inatsisartut inatsisaat kalluarneqarmata. Maleruagassat marluusut taakkua imminnut ataqatigiinnerat pissutigalugu FP-p tusarniaanermut akissuteqaataa ataatsimoortillugu matumani sammineqarpoq.*

*Tusarniaanermut akissuteqaat, siunnersuummi § 44, imm. 1-ip oqaasertaligaanerata allanngortinneqarnissaanut pissutissaqalersitsivoq. Allanngortitsinerup kingunerisaanik aaqjissuussinerit danskit soraarnerussutisianik akileraarusiisarnermut inatsisaanni § 53 A-mi pineqartunut ilaasut, 15,3 procentimik pissarsianit akileraarusiisarnermi pineqartunut ilaatinnissaanut, danskit aningaaserivianniittussaapput.*

*Kisiannili soraarnerussutisianut aaqqissuussinerit, danskit soraarnerussutisianik akileraarusiisarnermut inatsisaanni § 53 a-mi pineqartunut ilaasut, Danmarkip aamma Kalaallit Nunaata avataanni soraarnerussutisianut sullissivimmi pilersinneqartut aningaasarsianit akileraarutit pillugit Inatsisartut inatsisaanni maleruagassat malillugit pissarsianit akileraarusiisarnermi pineqartunut ilaatinneqarput. Danskit soraarnerussutisianut sullissiviini aaqqissuussinerit soraarnerussutisianik akileraarusiisarnermut inatsimmi 53 a-mi pineqartunut ilaasut, aaqqissuussineq piffissanngorpat qanoq tunniussivigineqassanersoq pillugu aalajangersakkanik aalajangersaasoqarsimanngikkaluartoq, 15,3 procentimik pissarsianit akileraarusiisarnermi sukanninnginnerusumi pineqartunut ilaatinneqarpoq. Tunniussinerit piginnittup soraarnerussutisiaqalertussatut ukioqalernermi tigusassai, akileraaruserneqannginnissamut § 39 a, imm. 1-imi aamma 2-imi aamma § 39 c-mi maleruagassanut naapertuutissapput.*

*Tassunga atatillugu pingaartinneqarpoq, maleruagassat Kalaallit Nunaanni soraarnerussutisianut sullitanut allaffissornikkut aningaasartuuteqartitsinerulinnginnissaat, kiisalu soraarnerussutisianut sullitat atituumik soraarnerussutisiassanik neqeroorutiniq atuisinnaanissaasa iluaqutissartaqarnera, pingaaruteqartoq. Tamatuma saniatigut soraarnerussutisianit uninngasuutit aamma pissarsiassat il.il. pillugit danskit akileraartarnermut oqartussaasuinit paasisutissat Kalaallit Nunaanni tiguneqartarnissaat pingaartinneqarpoq.*

*Tamatuma saniatigut § 39 d-p atuuffissaata annikillisinneqarnera allanngortitsinerimi pisussanngorpoq, taamaalilluni § 39 d aamma § 39 a imaluunniit § 39 c siunnersuutigineqartut imminnut qalleraatilerlutik pisoqalissanani.*

### Willis Towers Watson (WTW)

WTW ukiut ingerlaneranni annertuunik oqallisiginnissimavoq, aammalu paasisinnaavara §53 a-p pisoqqap 39 a-mut nutaamut sanilliullugu agguataarinissaq qinnutigisimasarput, annertuutigit 39 d nutaaq aqputigalugu pisoq, taamaalilluni 53a pisoq (2017 sioqqullugu pisutut) nalinginnaasumik aningaasarsianit akileraaruserneqartalissalluni aammalu akileraarutitigut sunniuteqanngitsumik tunniussisoqarsinnaalissalluni piseqqittoqarsinnaalissallunilu.

Ilanngaatigineqarsinnaaneri imaluunniit ilanngutinngikkallarsinnaanerat aammalu parlattuanik pisoqarnera innuttaasup uppersartussaagaa pillugu matumani oqaatigisassinnut oqaaseqaat annikitsoq?

Siullermik inatsisit naapertorlugit ilanngaatigineqarsinnaaneranut imaluunniit ilanngutinngikkallarsinnaanerannut periarfissaqarsimasoq assortuussutigineqarsinNAANNGILAQ, taamaattumik uppersartaat taamaallaat matumani inatsisip oqaasertaanniippoq.

Innuttaasoq INATSIT ataqqinagu Kalaallit Nunaanni imaluunniit Danmarkimi inatsisunik unioqquitsisimappat, taamaalillunilu eqqunngitsumik ilanngaatiginissimalluni, tassa susassaqrifiussaaq Kalaallit Nunaanni akileraarusiisarnep allannngortinneqarnissaa pillugu maleruagassat iluanni iluarsineqartussaq, aammalu tamanna assersuutigalugu Danmarkimi pisimassappat, tassa tamanna akileraartarnermi susassaqrifiussimassaaq Kalaallit Nunaannit akuliuffigineqarsinnaanngitsoq imaluunniit akuliuffigineqartussaannngitsoq?

*F&P-mut tusarniaanermut akissutip ataani nassuiarneqartut, Danmarkimi aningaaserivinni soraarnerussutisianut aaqqissuussinerit danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartut, 15,3 procentimik pissarsianit akileraarusiisarnermi sukanninnginnerusumi pineqartunut ilaatinnessaa, pingaaruteqartinneqarpoq.*

*§ 53 a malillugu aaqqissuussinerni pissarsiassat aammalu uninngasuutit pillugit Danmarkimi akileraartarnermut oqartussanit paasisutissanit Kalaallit Nunaanni tiguneqartunit, aaqqissuussinerit assigiinngitsut akornanni immikkoortinneqarsinnaanngillat. § 53 a malillugu aaqqissuussineq taamaalilluni aaqqissuussinerusinnaavoq § 39 a-mi piumasagaatinik naammassinnittoq, imaluunniit aaqqissuusaasinnaalluni soraarnerussutisiassat aningaasartai piffissanngorpat tunniunneqarnissaat pillugu aalajangiisoqarsimanani, imaluunniit aaqqissuusaasinnaalluni aningaasat § 39 a-mut imaluunniit § 39 c-mut naapertuutinngitsumut tunniunneqartarnissaat pillugu aalajangiiffigineqarsimasoq.*

*Aaqqissuussinerit tunniunneqarnerisa nalaanni aallaaviatigut ingerlaavartumik inuunerup sinneranut soraarnerussutisianut aaqqissuusaasussaasut eqqarsaatiginissaa isumaginarlugu, taamaattumik siunnersuutigineqarpoq § 39 d-p atuuffissai annikillisinneqassasut. § 39 d tamatuma saniatigut akuersissummut aalajangersaganngorlugu allannngortinneqarpoq, taamaalilluni akileraartutitigut suliarinninnissamut akileraartarnermut ingerlatsiviup akuersissuteqarnissaa pisariaqarluni.*

*Soraarnerussutisianut aaqqissuussinerit tusarniaanermut akissuteqaammi eqqaaneqartut, taamaalilluni § 39 d-mi pineqartunut ilaajunnaassasut ilimanarpoq.*

*Tamatumunnga taarsiullugu siunnersuutigineqarpoq § 45, imm. 3 nutaaq atuutsinneqalissasoq, tassani ikaarsaarnermut aaqqissuussineri, Danmarkimi naafferartumik imaluunniit ataatsikkut tunniunneqartussanut soraarnerussutisianut aaqqissuussinermit, danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartumit, aaqqissuussinerimut § 39 a-mi pineqartunut ilaasumut, nuussinissamut periarfissaqalissalluni. Taamatut nuussineri taamaalilluni akiliutitut aamma tunniussatut Kalaallit Nunaanni akileraarusiisussanngortitsisoqassanngilaq. Kalaallit Nunaanni soraarnerussutisianut sullitat pineqartut taamaalillutik soraarnerussutisianut aaqqissuussinerminnik, aaqqissuussinerimut § 39 a-mi maleruagassat malillugit tunniussinerit*

*soraarnerussutisiaqalernerup nalaani akileraaruserneqartussaannngitsunut, nuunneqarsinnaalissapput.*

Siusinnerusukkut ataatsimeeqatigiinnitsinni ilaatigut iluaqutissarsititsinissamut aamma ”Qanigisaasunut Qaninnerpaanut”, oqallisigaagut. Aaqqissuussinernut toqqorsivimmiititsinermut tamakkiisumik isumannaallisaasoqarpoq, tamatumalu kingunerisaanik uninngasuutigineqartut toqkkut qimaguttoqarluni pisoqarnerani, toqkkut qimagunnermi matussusiinissaq toqqarneqarsimasinnaasoq ilanngullugu, TUNNIUNNEQARTUSSAAPPUT. Tassalu Kalaallit Nunaanni qimagaasunut Danmarkimi tunniussineq pisussaavoq, aammalu taamaassappat tulleriinnilerneqassallutik

- Katissimallugu aapparisaq imaluunniit inooqatigisaq
- Meeqqat (ukiui apeqqutaatinnagit)

Sinneri matumani ilanngutissanngilakka, tassami matuma siuliani allassimasuni ajornartorsiteqalereerpoq, tassami aamma inooqataasumut meeqqanullu 24-nit utoqqaanerusunut tunniussisoqartarpoq.

Kalaallit Nunaanni qimagaasunut tunniussisarnissaq qulakkeerniarlugu Kalaallit Nunaanni oqaatsip isumaata annertusitinnissaa naapertuutissaaq.

*”Qanigisaasut qaninnerpaat” iluaqutissarsitinneqartussat ilaatinneqassappat, siunnersuut manna sillimmasiissutit allagartaasa imarisaasa qanoq immersorneqarnissaannut tunngassuteqanngilaq. Sillimmasiissutinut isumaqatigiissutit immersorneqarnissaat il.il., sillimmasiissutinut isumaqatigiissutit pilugit peqqussutini maleruagassiivigineqarput.*

#### Peqqissutsimut Naalackersuisoqarfik

Missingiummi siunnersuutigineqarpoq ingerlatseqatigiiffiit akileraarutaat 25 procentinngorlugu 5 procentimik annikillisinneqassasoq. Inatsisip 1. januar 2021 aallarnerfigalugu atuutilernissaa siunnersuutigineqarpoq.

2020-mi allannguut Namminersorlutik Oqartussanut aamma kommuninut 54 mio. koruuninik iluanaarutissanit annaasaqarnermik malitseqassasoq, Aningaasaqarnermut Naalackersuisoqarfiup missiliorpaa.

PL-imi iluarsiiernerup AIS2021-imi atorunnaarsinneqarneranut peqatigitillugu inatsisissatut allannguut siunnersuutigineqarpoq. Peqqinnissaqarfik 2021-p tungaanut, PL-imi iluarsiiisoqannginnerata aammalu ataatsimut isigalugu peqqinnissaqarfiup aningaasaqarnerata tatisimaneqarnerata malitsigisaannik, 50-55 mio. koruuninik annertussusilimmik aningaasartuutinik annikillisisariaqalertussaavoq.

Peqqissutsimut suliassaqarfimmi sipaaruteqarnerit sunniutaat tassaasussaapput ingerlatassat annikinnerulernerat, utaqqisut amerlanerulernerat immaqalu aamma katsorsaanerit

aalajangersimasut unitsinneqarnerat. Tamatuma saniatigut peqqinnissaqarfimmi ukioq tamaat sulisussat malunnaatilimmik ikilisinneqarnerannik tamanna kinguneqartussaavoq.

Sipaartussat matuma siuliani taaneqartut, peqqinnissaqarfimmi isumalluutunik pisariaqartunik ilassuteqarnerup aalajangiusimaannarnissaa pillugu naalakkersuisooqatigiinnissamut isumaqatigiisummut naapertuuttutut isigineqarsinnaangillat.

*Oqaaseqaat allanngortitsinissamut pissutissaqalersitsinngilaq. Kalaallit Nunaanni ingerlatseqatigiiffinnut akileraarusiisarneq nunani arlalippassuarni annertussusiliussanit qaffasinneruvoq. Akileraarusiisarnerup qaffasinnerutinneqarnera aningaasaliinerit annikinnerulernerannik malitseqarsinnaavoq aammalu ingerlatat sinneqartoofiusartut nunani allani appasinnerusumik akileraarusiisartuni inissinneqarsinnaallutik. Tamatuma kingunerisaanik aningaasaqarnikkut siuariartortitassaagaluit annaaneqarataannaapput, tamatumalu taamatuttaaq pisortat suliassaqarfii, ilanngullugu peqqissutsimut suliassaqarfik, ineriartortitsinissamut siunissami periarfissat killeqalersittussaallugit. Taamaattumik aningaasaqarnikkut pitsaasumik ineriartortitsinissaq siunertaralugu inuussutissarsiortunut atugassarititaasunut killissaliussat pitsaanerulersinneqarnissaat qitiulluinnarpoq.*

### Kommune Kujalleq

Ingerlatseqatigiiffiit akileraarutaasa appartinneqarneranni kommunit iluanaarutissanik annaasaqaatai tamakkiisumik taarsiivigineqassasut, Kommune Kujallermit aalajangiusimaneqartariaqarpoq.

Akileraarutunik ingerlatsinermut inatsimmi § 40, imm. 7-imi agguaanermut najoqqutassanut naapertuuttumik, ingerlatseqatigiiffiit akileraarutaannit kommunip pissarsiassaannik tigusaqarnissaq, kommunit missingersuusiorminni naatsorsuutigisariaqaraat tamatumani innersuussutigineqarpoq.

Ingerlatseqatigiiffiit akileraarutaasa appartinneqarnerannut aningaasalersuinissaq, 2020-mut aningaasanut inatsimmut isumaqatigiisummi, aammalu 2020-mut aningaasanut inatsimmut oqaasertaliussanut nassuiaatini allassimasuni, ingerlatseqatigiiffiit akileraarutaannik 25 %-imut appartitsiviugallartumi, procentiliussaq aningaasarsianit akileraarutit pillugit Inatsisartut inatsisaanni allassimasariaqartoq, isummerfigineqanngilaq.

Inatsisissatut siunnersuut manna akuerineqassappat, ingerlatseqatigiiffiit akileraarutaata appartinnerani iluanaarutinit annaasaqarnermut kommunit qanoq taarsiivigineqassanersut, 2021-mut ukiumut aningaasaliiffiusumut tunngatillugu maannakkut paasinarsisitsisoqanngilaq.

Taamaattumik ukiumut matumunnga aammalu 2021-mut iluanaarutinit annaasassat aningaasalersorneqarnissaat pillugu kommuninut isumaqatiginninniarneq Naalakkersuisut piaartumik aallartissagaat, Kommune Kujalliup kaammattuutigaa.

*Ataatsimoortumik tapiissutitut isumaqatigiissutissap isumaqatigiissutigineqarsinnaanissaa siunertaralugu, ataatsimoortumik tapiissutit isumaqatiginninniutigineqarnissaanni pisussami taarsiinissaq kommuninut oqaloqatigiissutigineqassaaq.*

*2020-mut aningaasanut inatsimmi ukiunut missingersuusiorfiusunut 2021 – 2023-mut kommuninut taarsiissutissanut aningaasanik immikkoortitsisoqarpoq. Iluanaarutissat annikillinerisa aatsaat ingerlatseqatigiiffiit ingerlatseqatigiiffimmut akileraarut akilereerpassuk, ukiup isertitaqarfiusup tulliani ukiumi aatsaat iluanaarutissat annikillisussaanerannut, tamanna tunngassuteqarpoq.*

Tulliullugu aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisissaannut siunnersuutip oqaasertalerneqarnissaanut siunnersuutigineqartumut kommuni oqaatsinut ataasiakkaanut oqaaseqaatissaqarpoq (Ingerlatseqatigiiffiit akileraarutaat aamma soraarnerussutisianut maleruagassat allannguutaat), § 39, imm. 1, nr. 3-mut, aamma § 39 a, imm. 2, nr. 2-mut tunngassuteqartunik:

”1. § 39-imi, imm. 1, nr. 3, imatut oqaasertalerneqarpoq:

” 3) Utoqqalineq pissutigalugu soraarnerussutisiat tunniunneqartarnerat siusinnerpaamik 60-inik ukioqalernerimi, taakkuninnga ukiukinnerunissaq akileraartarnermut ingerlatsivimmit akuerineqarsimangippat aallartissinnaavoq.”” aamma

”3. § 39 a-mi, imm. 2, nr. 2, imatut oqaasertalerneqarpoq:

”2) Utoqqalineq pissutigalugu soraarnerussutisiat tunniunneqartarnerat siusinnerpaamik 60-inik ukioqalernerimi, taakkuninnga ukiukinnerunissaq akileraartarnermut ingerlatsivimmit akuerineqarsimangippat aallartissinnaavoq.””

Aalajangersakkat allatut oqaasertalerneqartariaqaralarput, taamaalilluni allassimalissalluni soraarnerussutisiat ”tunniunneqartarnerat aallartissinnaavoq” siusinnerpaamik.

*Oqaaseqaat ilanngunneqarpoq.*

### **Siunnersuummi aalajangersakkanut ataasiakkaanut nassuiaatit**



*§ 1-imut*

## Nr. 1-imut

Ullumikkut allassimavoq: ”utoqqalineq pissutigalugu soraarnerussutisiat siusinnerpaamik tunniunneqarsinnaapput 60-inik ukioqalernermi”. Siunnersuutigineqarpoq, soraarnerussutisiassanik tunniussisarnerit 60-inik ukioqalernermi ”aallartinneqarsinnaasut”, aalajangersakkami erseqqissarneqassasoq. Allangortitsinermi siunertaavoq, tunniunneqartartut aallaaviatigut ataatsikkut tunniunneqarsinnaanngitsut, kisianni utoqqalineq pissutigalugu soraarnerussutisiat inuuneq tamaat soraarnerussutisiassaasut, erseqqissarneqarnissaa.

## Nr. 2-mut

Siunnersuutigineqarpoq § 39 a, imm. 2, nr. 1-imut piunasaqaat suli alla ilanngunneqassasoq, tassani pineqarluni, soraarnerussutisianut aningaasaateqarfimmi imaluunniit inuunermut soraarnerussutisianullu sillimmasiisarfimmi Danmarkimi angerlarsimaffeqartumi, pilersinneqassasoq. Soraarnerussutisianut aaqqissuussinerup § 39 a-mi pineqartunut ilaatinneqarsinnaanissaanut, aalajangersakkami uniffik siulleq aamma aappaa naammassineqarsimassapput.

Aalajangersakkami siunertaavoq soraarnerussutisianut aaqqissuussinerit § 39 a-mi pineqartunut ilaatinneqartut, nunani Kalaallit Nunaata ilaatigut soraarnerussutisiani uninnngasuutit aamma pissarsiassat pillugit paasissutissanik paarlaasseqatigiiffigisartagaanni tigusaqarfigisartagaannilu, kiisalu soraarnerussutisiassat tunniunneqarneranni toqqaannartumik akileraaruserneqartartunik, pilersitsisarnissamik qulakkeerinninnissaq.

## Nr. 3-mut

Aalajangersakkamik inatsimmi § 39 a-mi erseqqissaanerup assinga atuutsinneqalerpoq, taanna § 39 pillugu siunnersuummi § 1, nr. 1-imi nassuiarneqarpoq.

## Nr. 4-mut

§ 39 d siunnersuutigineqartoq nutaajuvoq.

Aalajangersagaq eqikkaanermut aalajangersakkatut isikkoqarpoq, Danmarkip aamma Kalaallit Nunaata avataanni soraarnerussutisianut aaqqissuussinerit soraarnerussutisiani tunniussinerit illugiimmik pinninnissamut tunngaviusoq imm. 1-imi aamma imm. 3-mi aalajangersarneqartoq malillugu suliarineqarnissai akileraartarnermut ingerlatsivimmit akuerineqarsinnaanissaat periarfissanngorluni. Aalajangersagaq malillugu soraarnerussutisianut aaqqissuussineq soraarnerussutisianut sullissivimmi Danmarkimi imaluunniit Kalaallit Nunaanni angerlarsimaffeqartumi imaluunniit soraarnerussutisianut

sullissivimmi Kalaallit Nunaanni aalajangersimasumik ingerlatsiveqartumi pilersinneqarsimassanngitsoq piumasqaataavoq.

Soraarnerussutisianut aaqqissuussinerup akileraarutitigut suliarineqarnissaata, aalajangersakkami aalajangersarneqartup, akileraartarnermut ingerlatsivimmit akuerineqarsinnaanissaanut imm. 1-imi piumasqaatit tamarmik naammassineqarsimassapput. Piumasqaatit naammassineqarsimanerat qinnuteqartup uppersarsassavaa.

Aalajangersakkami nr. 1 malillugu aaqqissuussineq Kalaallit Nunaannut nuunnginnermi pilersinneqarsimassaaq. Tamatuma saniatigut sillimmasiisoq imaluunniit soraarnerussutisianik pisinnaatitaasoq Kalaallit Nunaannut tamakkiisumik akileraartussaataaassaaq aammalu nunamut innuttaasup pineqartup aamma akileraartussaataaaffigisaanut marloriaammik akileraarusiisarnermut isumaqatigiissummik isumaqatigiissuteqartoqarsimappat, marloriaammik akileraarusiisarnermut isumaqatigiissummi aalajangersakkat malillugit Kalaallit Nunaanni angerlarsimaffeqartutut isigineqassalluni.

Aalajangersakkami nr. 2 malillugu Kalaallit Nunaanni imaluunniit nunani allani ilanngaatigineqarsinnaaneranut imaluunniit ilanngaasiisoqarsinnaatitaanerannut aaqqissuussinerup akiliisoqarsimannitsoq, akileraartussaasup uppersarsassavaa. Akiliinernut ilanngaatigineqarsinnaaneranut aamma ilanngaasiisoqarsinnaatitaanerannut atuussimasut, ataatsimut isigalugu ilimagineqartarpoq. Taamaalilluni taamaattoqarsimannitsoq qinnuteqartup uppersarsartussaavaa. Ilangaatigineqarsinnaanerat aamma ilanngaasiisoqarsinnaatitaanerat atorlugu akiliisoqarsimappat, imm. 3 malillugu akileraarusiinnermi tamanna eqqarsaatigineqarsinnaavoq.

Aalajangersakkami nr. 3 malillugu akileraartussaataaasup Kalaallit Nunaannut tamakkiisumik akileraartussaataanerani, akileraartussaataasoq aaqqissuussinerup akiliisimaqqusaanngilaq. Tamannali Norgemi, Savalimmiuni Islandimi imaluunniit nunani allani EU-mut ilaasortaasuni akileraarusiinnermut ingerlatsisut soraarnerussutisiaqalartussaataaneq pillugu Inatsisartut inatsisaat naapertorlugu akuerisimasaannut atuutinngilaq.

Aalajangersakkami nr. 4 malillugu Kalaallit Nunaanni soraarnerussutisianut aaqqissuussinerup pissarsiassanit akileraarummik akiliisimanissaq piumasqaataavoq. Aaqqissuussinerup pissarsiat § 44, imm. 3 malillugu akileraaruserneqartarput, takuuk § 44 imm. 1.

Imm 2-mi aalajangersakkap atuunnerani, imm. 1-imi aalajangersakkami piumasqaatit naammassineqarsimanersut apeqqutaatinnagu, akileraartarnermut ingerlatsivik naliliippat soraarnerussutisianut aaqqissuussinerup pilersitsinerup, imaluunniit aaqqissuussinerup akiliinermut, siunertaasut pingaarnerit ilaat tassaasoq isertitanit akileraaruteqannginnissaq

imaluunniit akitsuummik akiliinnginnissaq, akileraartarnermut ingerlatsiviup qinnuteqaat itigartissinnaavaa.

Aalajangersakkami siunertaavoq nunani allani soraarnerussutisianut aaqqissuussinerit isertitat akileraaruserneqannginnissaannut sakkussatut atorneqarnissaannik pitsaaliuinissaq.

Imm. 3-imi aalajangersakkami akileraaruseeriaatsinut, akileraartarnermut ingerlatsivimmit atorneqartussatut akuerineqarsinnaasut, maleruagassiivigineqarput. Akileraaruseeriaaseq § 39 a, imm. 4 malillugu atorneqartunut naapertuuppoq.

Soraarnerussutisianut aaqqissuussineq aningaasanik akileraarusigaasunik aamma akileraarusigaanngitsunik imaqartillugu pisunut aalajangersagaq tunngassuteqarpoq. Taamatut pisoqarnerani tunniussinerit, aningaasat akileraarusigaasut atorlugit akiliinertut, annertussuseqartut, kisimik akileraaruserneqartussaangillat. Pissarsiat il.il. aaqqissuussinermit ilaatinneqartut, taamaalilluni tamatigut tunniussinerni akileraaruteqaataasussatut naatsorsuunneqartarput.

Nr. 5-imut.

§ 44, imm. 2, nr. 1-imi allangortitsinermit siunertaavoq, soraarnerussutisianut aaqqissuussinerit qanoq ittut pissarsianit akileraaruserneqartussaanginnerisut, takuuk § 44, imm. 1, killissalersornissaa.

Allangortitsinermit erseqqissarneqarpoq, aaqqissuussineq soraarnerussutisianut sullissivimmi Danmarkimi angerlarsimaffeqartumi pilersinneqarsimappat, aaqqissuussinerit danskit soraarnerussutisianik akileraarusiisarnermut inatsisaanni § 53 A-mi pineqartunut ilaasut kisimik aalajangersakkami ilaatinneqartut. Aaqqissuussinernit Kalaallit Nunaata aamma Danmarkip avataani soraarnerussutisianut sullissivinni pilersinneqartunit pissarsiassat taamaalillutik, danskit soraarnerussutisianik akileraarusiisarnermut inatsisaanni § 53 A-mi pineqartunut ilaanersut apeqqutaatinnagu, aningaasarsianit akileraarutit pillugit Inatsisartut inatsisaanni maleruagassat malillugit akileraaruserneqartussaassapput.

Erseqqissaanermut pissutaavoq, danskit soraarnerussutisianik akileraarusiisarnermut inatsisaanni § 53 a-mi taamatuttaaq aningaaserivinni Danmarkip avataanni inissisimasuni soraarnerussutisianut aaqqissuussinerit, pineqartunut ilaatinneqarnerat. Tamatuma saniatigut allangortitsineq § 39 a, imm. 1-ip allangortinneqarneranut ataqatigiissillugu isigineqassaaq.

Nr. 6-imut

Aalajangersagaq siunnersuutigineqartoq nutaajuvoq.

Aalajangersagaq malillugu soraarnerussutisianut isumaqatigiissummit imaluunniit aaqqissuussinermit naafferartumik imaluunniit ataatsikkut soraarnerussutisiassat nuunneqarsinnaapput. Aaqqissuussinerit pineqartunut ilaatinneqartut aalajangersagaq

malillugu soraarnerussutisianut aaqqissuussinermut § 39 a-mi atugassarititaasunik naammassinnittumut nuunneqarsinnaapput. Nuussineq akuerineqarsimasoq soraarnerussutisianut aaqqissuussinermut akiliinertut aamma tunniussinermut isigineqassanngilaq aammalu taamatuttaaq § 46, imm. 1-2 malillugu piffissaanngitsumi tigusinertut isigineqassanani.

Nuussineq akileraartarnermut ingerlatsivimmit akuerineqassasoq, piumasaqaataavoq. Tamatuma saniatigut aalajangersagaq piumasaqaatinik imaqarpoq:

- Soraarnerussutisianut aaqqissuussineq nuussinermi tigussiffigineqartoq, 2016 naatinngu pilersinneqareersimasuussasoq.
- Nuussineq kingusinnerpaamik 2023-mi akileraartarnermut ingerlatsivimmit akuerineqassasoq.
- Akileraartussaataasup aaqqissuussinermut aningaasat akileraarusigaasut atorlugit akiliisoqarsimasoq uppersarsinnaassagaa.
- Nuussineq Danmarkimi soraarnerussutisianut sullissiviit akornanni, imaluunniit Danmarkimi aningaaseriviup ataatsip iluani pissasoq
- Nuussineq inummut pineqartumut aaqqissuussinermut pioreersumut imaluunniit pilersinneqaqqammersumut pissasoq
- Aaqqissuussineq nuussinissaq sioqqullugu tamatumalu kingorna danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqassasoq.

Soraarnerussutisianut aaqqissuussinerit allat, naafferartumik aamma ataatsikkut soraarnerussutisiassanit allaaneruset pineqaraluartut, akileraartarnermut ingerlatsiviup tamatuma saniatigut ataasiakkaatigut nalilersuereernermini nuussineq akuerisinnaavaa. Taamaattoq aaqqissuussinerit aaqqissuussinernut taakkununga eqqaanartuunissaat piumasaqaataavoq. Nuussinermut piumasaqaatit allat sulii naammassineqarsimassapput.

Nr. 7-imut

§ 46, imm. 1-imut uniffimmik nutaamik ilanngunneqartussatut siunnersuutigineqartoq, soraarnerussutisianut aaqqissuussinernut annertuunut, § 46, imm. 5-6 malillugit akitsuuserneqartussaataasunut, erseqqissaanermik imaqarpoq.

Akitsuuserneqartussaataaneraniippoq akitsuut inunnut akileraarusiinermi annertussusiliussamut naapertuuttoq. Taamaattumik aaqqissuussineq akitsuuserneqartussaataasooq taamaattoq atorunnaarsinneqarpat, tamanna 10 procentimik aaqqissuussinerup aningaasat akileraaruserneqartut atorlugit akilerneqartup atorunnaarsinneqarnerani akitsuummumut assingusumut akitsuusiisussanngortitsissasoq, siunnersuutigineqarpoq.

Nr. 8-mut

§ 46 a siunnersuutigineqartoq, pigisanit pissarsiat ilaasa akileraaruserneqartarnerat pillugu Inatsisartut Inatsisaanni § 7-imut atuuttumut naapertuuppoq.

Aalajangersagaq aningaasarsianit akileraarutit pillugit Inatsisartut inatsisaannut nuunneqassasoq siunnersuutigineqarpoq, tassami aalajangersagaq tunniussinerit akileraaruserneqartarnerat imaluunniit piffissaanngitsumi tigusinerit pillugit maleruagassani ilaatitsinnginneruvoq.

Aalajangersakkap malitsigisaanik, tunniussinerit pissarsianik ingerlaavartunik akileraarusiinnermut matussutissatut atorneqartut, tunniussineq kingusinnerpaamik ukiup isertitat akileraarusiinnermi tunngavigineqartut pisussanngorfiata kingorna ukiumi pisimappat, isertitani akileraaruteqaataasussani ilanngunneqassanngilaq.

Aalajangersakkami siunnerfigineqarpoq akiliisinnaassutsimi unammilligassanik, ataasiakkaanut pissarsiassat akileraaruserneqartussanngornerannut tunngassuteqarsinnaasunik, annikillitsinissaq.

Nr. 9-mut

Ingerlatseqatigiiffiit akileraarutaannut 60, imm. 1-imi aamma imm. 2-mi annertussusiliussat, 25 procentimut aalajangersarneqassasut siunnersuutigineqarpoq.

Imm. 2-mi aalajangersakkami, ingerlatseqatigiiffinnut aatsitassat pillugit inatsit naapertorlugu aatsitassarsiorluni misissuinissamut aamma aatsitassanik piaanissamut aamma sermimik imermillu atuneq pillugu Inatsisartut inatsisaat naapertorlugu avammut nioqquteqarnissaq siunertaralugu akuersissummik tunineqarsimasunut ingerlatseqatigiiffinnut akileraarut aalajangersarneqarpoq. Imm. 1-imi aalajangersakkami ingerlatseqatigiiffinnut allanut ingerlatseqatigiiffiit akileraarutaat maleruagassiivigineqarpoq. Ingerlatseqatigiiffinnut akileraarut imm. 1-imi aamma imm. 2-mi assigippoq.

Siunnersuummi § 2 malillugu aalajangersakkat ulloq 1. januar 2021 atuutilissaaq. 2020-mi ukiumut isertitaqarfiusumut ingerlatseqatigiiffiit akileraarutaanut annertussusissaliussat, 2020-mut Aningaasanut inatsimmut oqaasertaliussamik ilanngussinikkut 25 procentimut aalajangersarneqarput.

§ 2-mut

Inatsit ulloq 1. januar 2021 atuutilerpoq, aammalu 2021-mi ukioq isertitaqarfiusoq aallarnerfigalugu ilanngullugulu atuulluni.